



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Број/Број: 03-50-1-1033-4/10
Сарајево/Sarajevo, 17.12.2010.

ZAPISNIK

4. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine (u daljnjem tekstu: Nezavisna komisija), održane 17.12.2010., s početkom u 11 sati

PRISUTNI ČLANOVI NEZAVISNE KOMISIJE: Semiha Borovac, Predrag Crnogorac, Damir Čačković i Milana Škipina.

Predsjednik Nezavisne komisije Mile Lasić odsustvovao je iz opravdanih razloga.

OSTALI PRISUTNI: Eldina Smailagić, privremeni sekretar Nezavisne komisije.

Uz saglasnost prisutnih članova Nezavisne komisije, sjednicu je otvorila i njome predsjedavala Semiha Borovac, prvi zamjenik predsjednika Nezavisne komisije.

Za sjednicu je predložen sljedeći

DNEVNI RED

1. Usvajanje Zapisnika 3. sjednice Nezavisne komisije;
2. Razmatranje Prijedloga poslovnika o radu Nezavisne komisije;
3. Tekuća pitanja.

Dnevni red usvojen je jednoglasno, bez dodatnih prijedloga i sugestija, nakon čega se prešlo na raspravu o pojedinačnim tačkama.

Ad.1. Usvajanje Zapisnika 3. sjednice Nezavisne komisije

Zapisnik 3. sjednice Nezavisne komisije usvojen je jednoglasno.

Ad.2. Razmatranje Prijedloga poslovnika o radu Nezavisne komisije

Članovi Nezavisne komisije su u okviru ove tačke dnevnog reda razmatrali prečišćeni tekst Prijedloga poslovnika o radu Nezavisne komisije koji je utvrđen na 3. sjednici Nezavisne

komisije, uzimajući u obzir i prijedloge koje je telefaksom dostavio predsjednik Nezavisne komisije.

Nakon kraće rasprave Nezavisna komisija jednoglasno je usvojila zaključak:

Usvaja se Prijedlog poslovnika o radu Nezavisne komisije.

Nakon što su usvojili Prijedlog poslovnika o radu Nezavisne komisije, članovi Nezavisne komisije jednoglasno su donijeli

ZAKLJUČAK

kojim se od Kolegija Sekretarijata Parlamentarne skupštine BiH traži da dostavljeni Prijedlog poslovnika o radu Nezavisne komisije proslijedi Zakonodavno-pravnom sektoru Parlamentarne skupštine BiH radi davanja mišljenja.

Ad.3. Tekuća pitanja

U okviru ove tačke dnevnog reda članovi Nezavisne komisije su, prema prijedlogu koji je telefaksom dostavio predsjednik Nezavisne komisije, jednoglasno donijeli

ZAKLJUČAK

kojim se zadužuje predsjednik Nezavisne komisije da uputi dopis kojim se traži stručna pomoć u radu Nezavisne komisije na sljedeće adrese:

1. USAID - Projekat jačanja parlamenata u BiH, n/r direktora Christiana Haupta,
2. OSCE - Ured u Sarajevu, Odjel za ljudska prava i
3. Vijeće Evrope - Ured u Sarajevu.

U okviru ove tačke dnevnog reda članovi Nezavisne komisije konstatirali su da je potrebno započeti aktivnosti na izradi Plana rada Nezavisne komisije za 2011. godinu, te da je u narednom periodu potrebno planirati i aktivnosti na pripremi prijedloga za izmjene Zakona Bosne i Hercegovine o izvršenju krivičnih sankcija, pritvora i drugih mjera.

Prvi zamjenik predsjednika Nezavisne komisije Semiha Borovac zaključila je sjednicu u 13 sati.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić